






韋蘇州集卷之八

雜興

詠玉



乾坤有精物。至寶無文章。雕琢為世器。真性一朝傷。

詠水精

映物隨顏色。含空無表裏。持來向明月的。樂愁成水。

詠珊瑚

絳樹無花葉。非石亦非瓊。世人何處得。蓬萊石  
上生。

詠留璃

有色同寒水。無物隔纖塵。象筵看不見。堪將對  
玉人。

詠琥珀

曾爲老茯神。本是寒松液。蚊蚋落其中。千年猶

可覲。

仙人祠

倉岑古仙子。清廟閟華容。千載去寥廓。白雲遺  
舊蹤。歸來灞陵上。猶見最高峰。

詠曉

軍中始吹角。城上河初落。深沈猶隱帷。晃朗先  
分閣。

詠夜

明從何處去。暗從何處來。但覺年年老。半是此  
中催。

詠聲

萬物自生聽。大空恒寂寥。還從靜中起。却向靜  
中消。

任洛陽丞請告

方鑿不受圓。直木不爲輪。揆才各有用。反性生  
苦辛。折腰非吾事。飲水非吾貧。休告卧空館。養

劉涓子曰其妻  
近道語此漸趨  
彌東橋曰造理  
之言  
又云勝詠夜之  
作遠甚

病絕囂塵。遊魚自成族。野鳥亦有羣。家園杜陵  
下。千歲心氛氲。天晴嵩山高。雪後河洛春。喬木  
猶未芳。百草日已新。著書復何爲。當去東臯耘。

縣齋

仲春時景好。草木漸舒榮。公門且無事。微雨園  
林清。泱泱水泉動。忻忻衆鳥鳴。閑齋始延矚。東  
作興庶旰。卽事翫文墨。抱冲披道經。於焉日澹  
泊。徒使芳尊盈。

晚出府舍與獨孤兵曹令狐工曹南尋朱  
雀街歸里第

分曹幸同簡。聯騎方愜素。還從廣陌歸。不覺青  
山暮。翻翻鳥未沒。杳杳鐘猶度。尋草遠無人。望  
山多在路。聊叅世士跡。嘗得靜者顧。出入雖見  
牽。忘身緣所晤。一作明

休暇東齋

由來束帶士。請謁無朝暮。公暇及私身。何能獨

閑步。摘葉愛芳在。捫竹怜粉污。岸幘偃東齋。夏  
天清曉露。懷仙閱真誥。貽友題幽素。榮達頗知  
疎。恬然自成度。綠苔日已滿。幽寂誰來顧。

夜直省中

河漢有秋意。南宮生早涼。玉漏殊杳杳。雲闕更  
蒼蒼。華燈發新燄。一作燄輕煙浮夕香。顧迹知爲忝。束  
帶愧周行。

郡內閒居

劉涓子曰白  
實狀

棲息絕塵侶。孱鈍得自怡。腰懸竹使符。心與廬  
山緇。永日一酣寢。起坐兀無思。長廊獨看雨。衆  
藥發幽姿。今夕已云罷。明晨復如斯。何事能爲  
累。寵辱豈要辭。

燕居卽事

蕭條竹林院。風雨叢蘭折。幽鳥林上啼。青苔人  
跡絕。燕居日已永。夏木紛成結。几閣積羣書。時  
來北窻閱。

幽居

貴賤雖異等。出門皆有營。獨無外物牽。遂此幽  
居情。微雨夜來過。不知春草生。青山忽已曙。鳥  
雀繞舍鳴。時與道人偶。或隨樵者行。自當安蹇  
劣。誰謂薄世榮。  
一作拙  
爾云不該

野居書情

世事日可見。身名良蹉跎。尚瞻白雲嶺。聊作負  
薪歌。

桂天祥曰身世  
俱幻情景兩忘  
劉涓子曰古調  
水色微雨一聯  
似亦以癡得之  
也

郊居言志

負暄衡門下。望雲歸遠山。但要樽中物。餘事豈  
相關。交無是非責。且得任疎頑。日夕臨清澗。逍  
遙思慮閒。出去唯空屋。弊篔篋。窗間何異林棲  
鳥。戀此復來還。世榮斯獨已。一作思顏志亦何攀。唯當  
歲豐熟。問里一歡顏。

夏景端居卽事

北齋有涼氣。嘉樹對層城。重門永日掩。清池夏

雲生。遇此庭訟簡。始聞蟬初鳴。逾懷故園恰。默  
默以緘情。

始至郡

湓城古雄郡。一作新橫江千里池。高樹上迢遞。峻堞繞  
欹危。井邑煙火晚。郊原草樹滋。洪流蕩北隄。一作流崇  
嶺鬱南圻。斯民本樂生。逃逝竟何爲。早歲屬荒  
歉。舊逋積如坻。到郡方逾月。終朝理亂絲。賓朋  
未及醺。簡牘已云疲。昔賢播高風。得守愧無施。



豈待干戈戢。且願撫惇嫠。

郡中西齋

似與塵境絕。一作世蕭條齋舍秋。寒花獨經雨。山禽時到州。清觴養真氣。玉書示道流。豈將符守戀。幸以棲心幽。

新理西齋

方將吐訟理。久翳西齋居。草木無行次。閒暇一芟除。春陽土脉起。膏澤發生初。養條刈朽枿。護

藥鋤穢蕪。稍稍覺林聳。歷歷忻竹疎。始見庭宇曠。頓令煩抱舒。茲焉卽可愛。何必是吾廬。

曉坐西齋

藜藜城鼓動。稍稍林鴟去。柳意不勝春。巖光已知曙。寢齋有單梯。一作芳靈藥爲朝茹。盥漱忻景清。焚香澄神慮。公門自常事。道心寧易處。一作興

郡齋卧疾絕句

香爐宿火滅。蘭燈宵影微。秋齋獨卧病。誰與覆

寒衣。

寓居永定精舍

蘇州

政拙忻罷守。閑居初理生。家貧何由往。夢想在  
京城。野寺霜露月。農興羈旅情。聊租二頃田。方  
課子弟耕。眼暗文字廢。身閑道心精。卽與人羣  
遠。豈謂是非嬰。

永定寺喜辟強夜至

子有新歲慶。獨此苦寒歸。夜叩付林寺。山行雪

滿衣。深鑪正燃火。空齋共掩扉。還將一樽對。無  
言百事違。

野居

結髮屢辭秩。立身本踈慢。今得罷守歸。幸無世  
欲患。棲止且偏僻。嬉遊無早晏。逐兔上坡岡。捕  
魚緣赤澗。高歌意氣在。貰酒貧居慣。時啟北窻  
扉。豈將文墨間。

同襄子秋齋獨宿

碩東榜六語未  
甚工而調古

山月皦如燭。風霜時動竹。夜半鳥驚栖。窻間人  
獨宿。

餌黃精

靈藥出西山。服食採其根。九蒸換凡骨。經著上  
世言。候火起中夜。馨香滿南軒。齋居感衆靈。藥  
術啟妙門。自懷物外心。豈與俗士論。終期脫印  
綬。永與天壤存。

昭國里第聽元老師彈琴

竹林高宇霜露清。朱絲玉徽多故情。暗識啼鳥  
與別鶴。祗緣中有斷腸聲。

野次聽元昌奏橫笛

立馬蓮塘吹橫笛。微風動柳生水波。北人聽罷  
淚將落。南朝曲中怨更多。

樓中閱清管

山陽遺韻在林端。橫吹驚響迴。憑高閣。幽怨繞  
秋城。浙瀝危葉振。蕭瑟涼氣生。始遇茲管賞。已

懷故園情。

寒食

晴明寒食好。春園百卉開。  
綵繩拂花去。輕毬度閣來。  
長歌送落日。緩吹逐殘杯。  
非關無燭罷。良爲羈思催。

七夕

人世拘形迹。別去問山川。  
豈意靈仙偶。相望亦彌年。  
夕衣清露濕。晨駕秋風前。  
臨懽定不住。當

爲何所牽。

九日

今朝把酒復惆悵。憶在杜陵田舍時。  
明年九日知何處。世難還家未有期。

秋夜

暗窻涼葉動。秋天寢席單。  
憂人半夜起。明月在林端。  
一與清景遇。每憶平生歡。  
如何方惻愴。披衣露更寒。

劉頴侯曰可悲  
傷世與余同悲

劉頴侯曰何足  
思索何足本懷

秋夜一絕

高閣漸凝露。涼葉稍飄闌。憶在南宮直。夜長鐘  
漏稀。

滁城對雪

晨起滿闌雪。憶朝闈闔時。玉座分曙早。金爐上  
煙遲。飄散雲臺下。凌亂桂樹姿。厠跡鷓鷯末。蹈  
舞豐年期。今朝覆山郡。寂寞復何爲。

雪中

空堂歲已晏。密室獨安眠。豎篠夜偏積。覆閣曉  
逾妍。連山暗古郡。驚風散一川。此時騎馬出。忽  
憶京華年。

詠春雪

徘徊輕雪意。似借艷陽時。不悟風花冷。翻令梅  
柳遲。

對春雪

蕭屑杉松聲。寂寥寒夜慮。州貧人吏稀。雪滿山

城曙春塘看幽谷。栖禽愁未去。開闈正亂流。寧辨花枝處。

對殘燈

獨照碧窻久。欲隨寒燼滅。幽人將遽眠。解帶翻成結。

獨用修曰梁沈氏詩鵲詩殘燈猶未滅將盡更楊却惟餘一兩燭猶得解羅衣此詩實出于沈照章有出意而沈深矣

對芳樽

對芳樽。醉來百事何足論。遙見青山始一醒。欲著接離還復昏。

夜對流螢作

月暗竹亭幽。螢光拂席流。還思故園夜。更度一年秋。自愜觀書興。何慚秉燭遊。府中徒冉冉。明發好歸休。

對新篁

新綠苞初解。嫩氣筍猶香。含露漸舒葉。抽叢稍自長。清晨止亭下。獨愛此幽篁。

夏花明

夏條綠已密。朱萼綴明鮮。炎炎日正午。灼灼火  
俱燃。翻風適自亂。照水復成妍。歸視窻間字。榮  
煌滿眼前。

對萱草

何人樹萱草。對此郡齊幽。本是忘憂物。今夕重  
生憂。叢疎露始滴。芳餘蝶尚留。還思杜陵圃。離  
披風雨秋。

見紫荆花

雜英紛已積。含芳獨暮春。還如故園樹。忽憶故  
園人。

翫螢火

時節變衰草。物色近新秋。度月影纔斂。繞竹光  
復流。

對雜花

朝紅爭景新。夕素含露翻。妍姿如有意。流芳復  
滿園。單棲守遠郡。永日掩重門。不與花爲偶。終

遣與誰言。

種藥

好讀神農書。多識藥草名。持縑購山客。移蒔羅  
衆英。不改幽澗色。宛如此地生。汲井既蒙澤。插  
援亦扶傾。陰穎夕房斂。陽條夏花明。悅翫從茲  
始。日夕繞庭行。州民自寡訟。養閑非政成。

西澗種柳

宰邑乖所願。僂俛愧昔人。聊將休暇日。種柳西

鍾伯敬曰不改  
二語不獨言種  
植之法兼得其  
趣甚理  
諱夏云有情  
有與在淺意始  
三字

雜英紛已積。含芳獨暮春。還如故園樹。忽憶故  
園人。

翫螢火

時節變衰草。物色近新秋。度月影纔斂。繞竹光  
復流。

對雜花

朝紅爭景新。一作對夕素含露翻。妍姿如有意。流芳復  
滿園。單棲守遠郡。永日掩重門。不與花爲偶。終



遣與誰言。

種藥

鍾伯敬曰不改  
二語不獨言種  
植之法兼得其  
趣其理  
好讀神農書。多識藥草名。持縑購山客。移蒔羅  
衆英。不改幽澗色。宛如此地生。汲井旣蒙澤。插  
援亦扶傾。陰穎夕房斂。陽條夏花明。悅翫從茲  
始。日夕繞庭行。州民自寡訟。養閑非政成。

西澗種柳

宰邑垂所願。僂俛愧昔人。聊將休暇日。種柳西

鍾伯敬曰不改  
二語不獨言種  
植之法兼得其  
趣其理  
譚夏夏云有情  
有與在漫茲始  
三字

澗濱置鍾息。微倦臨流睇。歸雲封壤自。人力生  
條在陽春。一作正春成陰豈自取。爲茂屬佗辰。延詠留嘉  
賞。山水變夕曛。

種瓜

率性方鹵莽。理生尤自疎。今年學種瓜。園圃多  
荒蕪。衆草同雨露。新苗獨翳如。直以春耜迫。過  
時不得鋤。田家笑枉費。日夕轉空虛。信非吾儕  
事。且讀古人書。

譚夏夏曰心口  
無餘

喜園中茶生

潔性不可污。爲餘滌塵煩。此物信靈味。本自出  
山原。聊因理郡餘。率爾植荒園。喜隨衆草長。得  
與幽人言。

移海榴

葉有苦寒色。山中霜霰多。雖此蒙陽景。移根意  
如何。

郡齋移杉

擢榦方數尺。幽姿已蒼然。結根西山寺。來植郡  
齋前。新含野露氣。稍靜高窻眠。雖爲賞心遇。豈  
有巖中緣。

花徑

山花夾徑幽。古甃生苔澀。胡牀理事餘。玉琴承  
露濕。朝與詩人賞。夜携禪客入。自是塵外蹤。無  
令吏趨急。

慈恩寺南池秋荷詠

對殿含涼氣。裁規覆清沼。衰紅受露多。餘馥依人少。蕭蕭遠塵跡。颯颯凌秋曉。節謝客來稀。迴塘方獨遶。

題桐葉

參差剪綠綺。蕭洒覆瓊柯。憶在灋東寺。偏書此葉多。

題石橋

遠學臨海嶠。橫此莓苔石。郡齋三四峯。如有靈

仙跡。方愁暮雲滑。始照寒池碧。自與幽人期。逍遙竟朝夕。

池上

郡中卧病久。池上一來賒。榆柳飄枯葉。風雨倒橫查。

滁州西澗

歐陽修云滁州城西乃是豐山無西澗獨賦比有一澗水極淺不勝舟又江潮不到豈詩人務在作句不實無此深耶

獨憐幽草澗邊生。上有黃鸝深樹鳴。春潮帶雨晚來急。野渡無人舟自橫。

謝枋得云此詩感時多故而作又何必滁之果如是也

劉涇溪曰此語自好但韋公蘇出數字神情又別故貴知言不然不免為野入語矣好詩總是拾得此絕先得後半起更難似

西塞山

勢從千里奔。直入江中斷。嵐橫秋塞雄。地束驚流滿。

山耕叟

蕭蕭垂白髮。默默詎知情。獨放寒林燒。多尋虎跡行。暮歸何處宿。來此空山耕。

上方僧

見月出東山。上方高處禪。空林無宿火。獨夜汲

寒泉。不下藍溪寺。今年三十年。

煙際鐘

隱隱起何處。迢迢送落暉。蒼茫隨思遠。蕭散逐煙微。秋野寂云晦。望山僧獨歸。

始聞夏蟬

徂夏暑未晏。蟬鳴景已曛。一聽知何處。高樹但侵雲。響悲遇衰齒。節謝屬離羣。還憶郊園日。獨向澗中聞。

射雉

走馬上東岡。朝日照野田。野田雙雉起。翻射斗  
迴鞭。雖無百發中。聊取一笑妍。羽分繡臆碎。頭  
弛錦鞞懸。方將悅羈旅。非關學少年。弢弓一長  
嘯。憶在灞城阡。

夜聞獨鳥啼

失侶度山覓。投林舍北啼。今將獨夜意。偏知對  
影栖。

述園鹿

野性本難畜。翫習亦逾年。麇斑始力直。麇角已  
蒼然。仰首嚼園柳。俯身飲清泉。見人若閑暇。麇  
起忽低騫。茲獸有高貌。凡類寧比肩。不得遊山  
澤。跼促誠可憐。

聞鴈

故園眇何處。歸思方悠哉。淮南秋雨夜。高齋聞  
鴈來。

劉涇溪曰更不  
爾語言  
桂天祥云省以不  
濼言極苦思無  
著時更值夜雨聞  
雁誰能遣此懷抱

顧東橋曰婁瑯  
有所  
何湛之云此也  
悼止後作以第  
可見

子規啼

高林滴露夏夜清。南山子規啼一聲。鄰家嬌婦  
抱兒泣。我獨展轉難爲情。一作何時明

始建射侯

男子本懸孤。有志在四方。虎竹忝明命。熊侯始  
張皇。賓客時事畢。諸將備戎裝。星飛的屢破。鼓  
譟武更揚。曾習鄒魯學。亦陪鷓鴣翔。一朝願投  
筆。世難激中腸。

鷓鴣

可憐鷓鴣飛。飛向樹南枝。南枝日照暖。北枝霜  
露滋。露滋不堪棲。使我夜常啼。願逢雲中鶴。銜  
我向寥廓。願作城上烏。一年生九雛。何不舊巢  
住。一作苦枝弱不得去。不意道苦辛。客子常畏人。

韋蘇州集卷之八終

韋蘇州集卷之九

歌行上

長安道

漢家宮殿含雲煙。兩宮十里相連延。晨霞出沒  
弄丹闕。春雨依微自甘泉。春雨依微春尚早。長  
安貴遊愛芳草。寶馬橫來下建章。香車却轉避  
馳道。貴遊誰最貴。衛霍世難比。何能蒙主恩。幸  
遇邊塵起。歸來甲第拱。皇居朱門峩。峩臨九衢

顧東橋曰蘇州  
尚古故能為樂  
府遺音

中。有。流。蘇。合。歡。之。寶。帳。一。百。二。十。鳳。凰。羅。列。含。  
明。珠。下。有。錦。鋪。翠。被。之。燦。爛。博。山。吐。香。五。雲。散。  
麗。人。綺。閣。情。飄。飄。頭。上。鴛。鴦。雙。翠。翹。亍。鬟。曳。袖。  
迴。春。雪。聚。黛。一。聲。愁。碧。霄。山。珍。海。錯。棄。藩。籬。烹。  
犢。魚。羔。如。折。葵。既。請。列。侯。封。部。曲。還。將。金。印。授。  
盧。兒。歡。榮。若。此。何。所。苦。但。苦。白。日。西。南。馳。

行路難

荆山之白玉兮。良工瑯琢雙環連。月蝕中央鏡

心穿。故人贈妾初相結。恩在環中尋不絕。人情  
厚薄苦須臾。昔似連環今似玦。連環可碎不可  
離。如何物在人自移。上客勿遽歡。聽妾歌路難。  
旁人見環環可憐。不知中有長恨端。

橫塘行

妾家住橫塘。夫婿鄰家郎。玉盤的歷矢白魚。湘  
簾玲瓏透象牀。象牀可寢魚可食。不知郎意何  
南北。岸上種蓮豈得生。池中種槿豈得成。丈夫

劉涇漢曰却先  
怨意  
傾東橋曰聲  
桑府



一去花落樹。妾獨夜長心未平。

貴遊行

漢帝外家子。恩澤少封侯。垂楊拂白馬。曉日上青樓。上有顏如玉。高情世無儔。一作非輕裾含碧煙。窈窕似雲浮。良時無還景。促節爲我謳。忽聞艷陽曲。四坐亦已柔。賓友仰稱嘆。一生何所求。平明擊鐘食。入夜樂未休。風雨憊歲候。兵戈橫九州。焉知坐上客。草草心所憂。

酒肆行

豪家沽酒長安陌。一旦起樓高百尺。碧疏玲瓏含春風。銀題彩幟邀上客。迴瞻丹鳳闕。直視樂遊苑。四方稱賞名已高。五陵車馬無近遠。晴景悠揚三月天。桃花飄俎柳垂筵。繁絲急管一時合。他壚隣肆何寂然。主人無狀且專利。百斛須臾一壺費。初釀後薄爲大倫。飲者知名不知味。深門潛醞客來稀。終歲醇醲味不移。長安酒徒

空擾擾路旁過去那得知。

相逢行

二十登漢朝。英聲邁今古。適從東方來。又欲謁  
明主。猶酣新豐酒。尚帶灞陵雨。邂逅兩相逢。別  
來問寒暑。寧知白日晚。暫向花間語。忽聞長樂  
鐘。走馬東西去。

烏引雛

日出照東城。春鳥鳴雛和鳴。雛和鳴。羽猶短。

巢在深林春正寒。引飛欲集東城暖。羣雛離襁  
睥睨高舉翅。不及墜蓬蒿。雄雌來去飛。又引音  
聲下上懼鷹隼。引雛鳥。爾心急急將何如。何得  
比日搜索雀卵噉爾雛。

鳶奪巢

野鵲野鵲巢林梢。鷓鴣恃力奪鵲巢。吞鵲之肝  
啄鵲腦。竊食偷居常自保。鳳凰五色百鳥尊。知  
鳶爲害何不言。霜鷓野鷓得殘肉。同啄羶腥不

劉涓子曰極有  
俠意  
桂天祥曰猶剛  
新豐酒使俠高  
帶灞陵雨何故  
有如此雀

肯逐可憐百鳥生縱橫。雖有深林何處宿。

### 燕銜泥

銜泥燕聲嘓嘓。尾涎涎。秋去何所歸。春來復相見。豈不解決絕。高飛碧雲裏。何爲地上銜泥滓。銜泥雖賤意有營。杏梁朝日巢欲成。不見百鳥畏人林。野宿翻遭網羅俎。其肉未若銜泥入華屋。燕銜泥。百鳥之智莫與齊。

### 輦鼓行

淮海生雲暮慘澹。廣陵城頭輦鼓暗。寒聲坎坎風動邊。忽似孤城萬里絕。四望無人煙。又如虜騎截遼水。胡馬不食仰朔天。座中亦有燕趙士。聞輦不語客心死。何況鰥孤火絕無晨炊。獨婦夜泣官有期。

### 古劍行

千年土中兩刃鐵。土蝕不入金星滅。沉沉青脊鱗甲滿。蛟龍無足蛇尾斷。忽欲動中有靈。豪士

得之敵國寶。仇家舉意半夜鳴。小兒女子不可  
近。龍蛇變化此中隱。夏雲奔走雷闐闐。恐成霹  
靂飛上天。

金谷園歌

石氏滅。金谷園中水流絕。當時豪右爭驕侈。錦  
爲步障四十里。東風吹花雪滿川。紫氣凝閣朝  
景妍。洛陽陌上人迴首。絲竹飄颻入青天。晉武  
平吳恣懽燕。餘風靡靡朝廷變。嗣世衰微誰肯  
憂。二十四友日日空追遊。追遊詎可足。其惜年  
華促。禍端一發埋恨長。百草無情春自綠。

溫泉行

出身天寶今年幾。頑鈍如鎚命如紙。作官不了  
却來歸。還是杜陵一男子。北風慘慘投溫泉。忽  
憶先皇遊幸年。身騎廐馬引天仗。直入華清列  
御前。玉林瑤雪滿寒山。上昇玄閣遊絳煙。平明  
羽衛朝萬國。車馬合沓溢四鄜。蒙恩每浴華池

水扈獵不蹂渭北田。朝廷無事共懽燕。美人絲管從九天。一朝鑄鼎降龍馭。小臣髯絕不得去。今來蕭瑟萬井空。唯見蒼山起煙霧。可憐噲蹙失風波。仰天大叫無柰何。弊裘羸馬凍欲死。賴遇主人杯酒多。

### 學仙

昔有道士求神仙。靈真下試心確然。千鈞巨石一髮懸。卧之石下十三年。存道忘身一試過。名

奏玉皇乃升天。雲氣冉冉漸不見。留與弟子但精堅。

石上鑿井欲到水。情心一起中路止。豈不見古來三人俱弟兄。結茅深山讀仙經。上有青冥倚天之絕壁。下有颼颼萬壑之松聲。仙人變化爲白鹿。二弟翫之兄誦讀。讀多七過可乞言。爲子心精得神仙。可憐二弟仰天泣。一失毫釐千萬年。

廣陵行

雄藩鎮楚郊。地勢鬱岩嶮。雙旌擁萬戟。中有霍  
嫖姚。海雲助兵氣。寶貨益軍饒。嚴城動寒角。晚  
騎踏霜橋。翕習英豪集。振奮士卒驍。列郡何足  
數。趨拜等卑寮。日晏方云罷。人逸馬蕭蕭。忽如  
京洛間。遊子風塵飄。歸來視寶劍。功名豈一朝。  
萼綠華歌

有一人兮昇紫霞。書名玉牒兮萼綠華。仙容矯  
矯兮雜瑤珮。輕衣重重兮蒙絳紗。雲雨愁思兮  
望淮海。鼓角蕭條兮駕龍車。世滯濁兮不可降。  
胡不來兮玉斧家。

王母歌

衆仙翼神母。羽蓋隨雷起。上遊玄極杳冥中。下  
看東海一杯水。海畔種桃經幾時。千年開花千  
年子。玉顏耿耿何處尋。世上茫茫人自死。

馬明生遇神女歌

學仙貴功亦貴精神。女變化感馬生。石壁千尋  
啟雙檢。中有玉堂鋪玉簾。立之一隅不與言。玉  
體安隱三日眠。馬生一立心轉堅。知其丹白蒙  
哀憐。安期先生來起居。請示金鑰玉珮天皇書。  
神女呵責不合凡。仙子謝過手足戰。大瓜玄棗  
冷如冰。海上摘來朝霞凝。賜仙復坐對食訖。領  
之使去隨煙升。一作使隨去煙升乃言馬生合不死。少姑教勅令  
付爾。安期再拜將生出。一授素書天地畢。

### 石鼓歌

周宣大獵兮岐之陽。刻石表功兮燁煌煌。石如  
鼓形數止十。風雨缺訛苔蘚澀。今人濡紙脫其  
文。既擊既掃白黑分。忽開滿卷不可識。驚潛動  
蟄走云云。喘急逶迤相糾錯。乃是宣王之臣史  
籀作。一書遺此天地間。精意長存世冥冥。秦家  
祖龍還刻石。碣石之罘李斯跡。世人好古猶法  
傳。持來比此殊懸隔。

寶觀主白鸚鵡歌

鸚鵡鵠鵠。衆皆如漆。爾獨如玉。鸚之鵠之。衆皆  
蓬蒿下。爾自三山來。音泉三山處子下人間。綽約不  
粧冰雪顏。仙鳥隨飛來掌上。來掌上時拂拭人  
心鳥意自無猜。玉指霜毛本同色。有時一去凌  
蒼蒼。朝遊汗漫暮玉堂。巫峽雨中飛暫濕。杏花  
林裏過來香。日夕依人全羽翼。空欲銜環非報  
德。豈不及阿母之家青鳥兒。漢宮來往傳消息

彈碁歌

圓天方地局。二十四氣子。劉生絕藝難對曹。客  
爲歌其能。請從中央起。中央轉關破欲闌。零落  
勢背誰能彈。此中舉一得六七。旋風忽散霹靂  
疾。履機乘變安可當。置之死地翻取強。不見短  
兵反掌收已盡。唯有猛士守四方。四方又何難  
橫擊上緣邊。豈如昆明與碣石。一箭飛中隔遠  
天。神安志愜動十全。滿堂驚視誰得然。



韋蘇州集卷之九終

韋蘇州集卷之十

歌行下

聽鶯曲

東方欲曙花冥冥。啼鶯相喚亦可聽。乍去乍來  
頌云風源
 時近遠。纔聞南陌又東城。忽似上林翻下苑。綿  
 綿蠻蠻如有情。欲轉不轉意自矯。羌兒弄笛曲  
 未調。前聲後聲不相及。秦女學箏指猶澀。須臾  
 風暖朝日暎。流音變作百鳥喧。誰家懶婦驚殘

劉頌溪曰望而  
 知為木色入山  
 桂天祥曰觀太  
 白新鶯百轉便  
 覺韋詩煩劇  
 頌東橋曰形容  
 好

夢何處愁人憶故園。伯勞飛過聲跼促。戴勝下  
時桑田綠。不及流鶯日日啼。花間能使萬家春  
意閑。有時斷續聽不了。飛去花枝猶裊裊。還棲  
碧樹鏤千門。春漏方殘一聲曉。

白沙亭逢吳叟歌

龍池宮裏上皇時。羅衫寶帶香風吹。滿朝豪士  
今已盡。欲話舊遊人不知。白沙亭上逢吳叟。愛  
客脫衣且沽酒。問之執戟亦先朝。零落艱難却

負樵親觀文物蒙。雨露見我昔年侍丹霄。冬狩  
春祠無一事。歡遊洽宴多頒賜。嘗陪夕月竹宮  
齋。每返溫泉灞陵醉。星歲再周十二辰。爾來不  
語今爲君。盛時忽去良可恨。一生坎壈可足云。

送褚校書歸舊山歌

握珠不返泉。匣玉不歸山。明皇重士亦如此。忽  
恠褚生何得還。方稱羽獵賦。未拜蘭臺職。漢篋  
亡書已暗傳。嵩丘遺簡還能識。朝朝待詔青鏤

闈中有萬年之樹蓬萊池。世人仰望棲此地。生  
獨徘徊意何爲。故山可往薇可採。一自人間星  
歲改。藏書壁中苔半侵。洗藥泉中月還在。春風  
飲餞灞陵原。莫厭歸來朝市喧。不見東方朔。避  
世從容金馬門。

五絃行

美人爲我彈五絃。塵埃忽靜心悄然。古刀幽磬  
初相觸。千珠貫斷落寒玉。中曲又不喧。徘徊夜

長月當軒。如伴風流縈艷雪。更逐落花飄御園。  
獨鳳寥寥有時隱。碧霄來下聽還近。燕姬有恨  
楚客愁。言之不盡聲能盡。末曲感我情。解幽釋  
結和樂生。壯士有仇未得報。拔劍欲去憤已平。  
夜寒酒多愁遮明。

驪山行

君不見開元至化垂衣裳。厭坐明堂朝萬方。訪  
道靈山降聖祖。沐浴華池集百祥。千乘萬騎被

原野。雲霞草木相輝光。禁仗圍山曉霜切。離宮  
積翠夜漏長。玉階寂歷朝無事。碧樹萎蕤寒更  
芳。三清小鳥傳仙語。九華真人奉瓊漿。下元昧  
爽漏恒秩。登山朝禮玄元室。翠華稍隱天半雲。  
丹閣光明海中日。羽旗旄節憇瑩臺。清絲妙管  
從空來。萬井九衢皆仰望。彩雲白鶴方徘徊。憑  
高覽古嗟寰宇。造化茫茫思悠哉。秦川八水長  
繚繞。漢氏五陵空崔嵬。乃言聖祖奉丹經。以年

爲日億萬齡。蒼生感壽陰。陽泰高謝前王出塵  
外。英雄共理天下晏。戎夷讐伏兵無戰。時豐賦  
劔未告勞。海濶珍竒亦來獻。干戈一起文武乖。  
歡娛已極人事變。聖皇弓劔墜幽泉。古木蒼山  
閉宮殿。纘承鴻業聖明君。威震六合驅妖氛。太  
平遊幸今可待。湯泉嵐嶺還氛氲。

漢武帝雜歌

漢武好神仙。黃金作臺與天近。王母摘桃海上

還感之西過聊問訊。欲來不來夜未央。殿前青  
鳥先迴翔。綠鬢縈雲裾。曳霧雙節飄飄下。仙步  
白日分明到世間。碧空何處來時路。玉盤捧桃  
將獻君。踟躕未去留彩雲。海水桑田幾翻覆。中  
間此桃四五熟。可憐穆滿瑤池燕。正值花開不  
得薦。花開子熟安可期。邂逅能當漢武時。顏如  
芳華潔如玉。心念我皇多嗜欲。雖留桃核桃有  
靈。人間糞土種不生。由來在道一作仙豈在藥。徒勞方

士海上行。掩扇一言相謝去。如煙非煙不知處。  
金莖孤峙今凌紫煙。漢宮美人望杳然。通天臺  
上月初出。承露盤中珠正圓。珠可飲。壽可永。武  
皇南面曙欲分。從空下來玉杯冷。世間綵翠亦  
作囊。八月一日仙人方。仙方稱上藥。靜者服之  
常綽約。柏梁沈飲自傷神。猶聞駐顏七十春。乃  
知甘醲皆是腐腸物。獨有淡薄之水能益人。千  
載金盤竟何處。當時鑄金恐不固。蔓草生來春

復秋碧天何言空墜露。

漢天子觀風自南國。浮舟大江屹不前。蛟龍索  
鬪風波黑。春秋方壯雄武才。彎弧叱浪連山開。  
愕然觀者千萬衆。舉麾齊呼一矢中。死蛟浮出  
不復靈。舳艫千里江水清。鼓聲餘響數日在天  
吳。深入魚鱉驚。左有飲飛落霜翮。右有孤兒貫  
犀革。何爲臨深親射蛟。示威以奪諸侯魄。威可  
畏。皇可尊。平田校獵書猶陳。此日從臣何不言。  
獨有威聲振千古。君不見後嗣尊爲武。

機欄蠅拂歌

機欄爲拂登君席。青蠅一作綠掩亂飛四壁。文如輕羅  
散如髮。馬尾毳毛不能絜。柄出湘江之竹碧玉  
寒。上有纖羅縈縷尋未絕。左揮右洒繁暑清。孤  
松一枝風有聲。麗人紈素可憐色。安能點白還  
爲黑。

信州錄事參軍常曾古鼎歌

三年糾一郡。獨飲寒泉井。江南鑄器多鑄銀。罷官無物唯古鼎。彫螭一作戲刻篆相錯蟠。地中歲久青苔寒。左對蒼山右流水。云有古來葛仙子。葛仙埋之何不還。耕者鎗然得其間。持示世人不知寶。勸君鍊丹求壽考。

夏水歌

出自玄泉杳杳之深井。汲在朱明赫赫之炎辰。九天含露未銷鑠。閶闔初開賜貴人。碎如墜瓊

方截璐。粉壁生寒象筵布。玉壺紈扇亦玲瓏。座有麗人色俱素。咫尺炎涼變四時。出門焦灼君詎知。肥羊甘醴心悶悶。飲此瑩然何所思。當念闌干鑿者苦。臘月深井汗如雨。

凌霧行

秋城海霧重。職事凌晨出。浩浩合元天。溶溶迷朗日。一作曉纔看含鬢白。稍視一作似霑衣密。道躋全不分。郊樹都如失。霏微誤噓吸。膚腠生寒慄。歸當飲一

湯用舊曰此與  
蘇徐秀才五絲  
終屢用艷雪  
而不厭其複  
或問予雪可  
艷乎予曰洛神  
以流風迴雪以  
笑人之飄搖雪  
固自有艷也  
雪之艷非香不  
蘇道柳花之香  
非香不能道竹  
之香非子美不  
能道也

杯庶用蠲斯疾。

樂燕行

良辰且燕樂。樂往不再來。趙瑟正高張。音響清  
塵埃。一彈和妙謳。吹去繞瑤臺。艷雪凌空散。舞  
羅起徘徊。輝輝發衆顏。灼灼嘆令才。當喧既無  
寂。中飲亦停杯。華燈何遽升。馳景忽西頽。高節  
亦云立。安能滯不迴。

采玉行

官府徵白丁。言采藍谿玉。絕嶺夜無家。深榛雨  
中宿。獨婦餉糧還。哀哀舍南哭。

難言

拘土移山望山盡。投石填海望海滿。持索捕風  
幾時得。將刀斫水幾時斷。未若不相知。中心萬  
仞何由款。

易言

洪鑪熾炭燎一毛。大鼎炊湯沃殘雪。疾影隨形



不覺至千鈞引縷不知絕未若同心言一言和  
同解千結。

調嘯詞

胡馬胡馬遠放燕支山下。跑沙跑雪獨嘶東望。  
西望路迷。路迷路迷。路迷。邊草無窮日暮。  
河漢河漢。曉挂秋城漫漫。愁人起望相思。江南  
塞北別離。別離別離。別離。河漢雖同路絕。

三臺詞

一年一年老去。明日後日花開。未報長安平定。  
萬國豈得銜盃。  
冰泮寒塘始綠。雨餘百草皆生。朝來門閭無事。  
晚下高齋有情。

韋蘇州集卷之十終

韋蘇州集拾遺目錄

熙寧丙辰校本添四首

荅暢叅軍一首

南池宴錢子辛賦得科斗一首

詠徐正字畫青蠅一首

虞獲子鹿一首

并序

紹興壬子校本添三首

陪王郎中尋孔微君一首

送宮人入道一首

和晉陵陸丞早春遊望一首

乾道辛卯校本添一首

九日

韋蘇州集拾遺

答暢參軍

秉筆振芳步。少年且吏遊。官閑高興生。夜直河  
漢秋。念與清賞遇。方抱沈疾憂。嘉言忽見贈。良  
藥同所瘳。高樹起栖鴉。晨鐘滿皇州。淒清露華  
動。曠朗景氣浮。偶宦心非累。處喧道自幽。空虛  
爲世薄。子獨意綢繆。

南池宴錢子辛賦得科斗

臨池見科斗。美爾樂有餘。不憂網與鈎。幸得免  
爲魚。且願克文字。登君尺素書。

詠徐正字畫青蠅

誤點能成物。迷真許一時。筆端來已久。座上  
去何遲。顧白曾無變。聽雞不復疑。詎勞才子賞。爲  
入國人詩。

虞獲子鹿 并序

虞獲子鹿。憫園鹿也。遭虞之機張。見畜於人。不

得遂其天性焉。

虞獲子鹿。畜之城陬。園有美草。池有清流。但見  
蹶蹶。亦聞啣啣。誰知其思巖谷云遊。

陪王郎中尋孔徵君

俗吏閑居少。同人會面難。偶隨香署客。來訪竹  
林歡。暮館花微落。春城雨暫寒。甕間聊共酌。莫  
使宦情闌。

送宮人入道

捨寵求仙畏色衰。辭天素面立天墀。金丹擬駐  
千年貌。寶鏡休勻八字眉。公主與收珠翠後。君  
王看戴角冠時。從來宮女皆相妬。說着瑤臺總  
淚垂。


和晉陵陸丞早春遊望

獨有宦遊人。偏驚物候新。雲霞出海曙。梅柳度  
江春。淑氣催黃雀。晴光照綠蘋。忽聞歌苦調。歸  
思欲沾巾。

九日

一爲吳郡守。不覺菊花開。始有故園思。且喜衆  
賓來。





110X  
407  
4